

GOMPIENO LOKWALO

LO LE DIRAGADITSWE

 Ke a go leboga, Mokaulengwe Demos, Mokaulengwe Carl Shakarian, kgotsa, Demos Shakarian le Mokaulengwe Carl Williams, le baemedi, botlhe. Ke akanya fela gore mokaulengwe yole, modiri wa megoma fano, o fetsa go bolela se ke neng ke batla go se dira, bosigong jono, gore ena o fetsa gone go ntsha puiso bathong ya me mo go nna. Ka gore, nna ke itumeletse sena, ke a dumela, kopano ena, go feta kopano epe e nngwe e ke kileng ka nna mo go yone. Ga ke ise ke bone, mo kopianong epe, kutlwano e e fetang le kabalano ya mmannete e jaana le lorato lwa bokaulengwe. Selo se sengwe se ke se dirileng, ke kgatlhane le baemedi ba bantsi ba bašwa go tswa Legodimong, bakaulengwe ba ba ša ba ke nnileng le tšhono ya go dumedisana diatla gape ke bue le bone.

² Fela masigo a le mmalwa a a fetileng, ke ne ke reeditse mokaulengwe wa Mobaptisti yo o dutseng golo foo. Ga ke kgone go akanya leina la gagwe. [Mokaulengwe Shakarian a re, “Irvin.”—Mor.] Irvin. Mme o ne a tlisa karata ko go nna go tswa go . . . Ke a dumela ke mmangwanaagwe, yo o dutseng fano bosigong jono. O nnile a tshotse karata eo ya thapelo ka dinyaga dingwe di le masome a mabedi.

³ O ne a tliswa ka mo bokopanong, a swa ka bolwetsi, jo gongwe ngaka a ka kgonang go bo tlhalosa gore jone ke eng. Ke sengwe se se jaaka lepero, fela ga se lepero. Wena fela . . . Go na le karo, ba ne ba kgona go sega mohuta mongwe wa mosifa golo fano, kgotsa sengwe, fela ena o ne a tlo nna fela jaaka semela, o ne a tlaa tshwanela go dula foo. Mme fa a santse a dutse foo, gongwe karata ya gagwe e sa bidiwa kgotsa bosengsepe, o ne a sek a tsena mo moleng wa thapelo, Mowa o o Boitshepo o ne wa nkaelela kwa go ene. Mme ena o boile fano bosigong jono, a siame, mme rona re lebogela seo. Mmama . . .

⁴ [Mokaulengwe Shakarian o re, “Mokaulengwe, ke akanya—ke akanya gore Howard Irvin o ne a le ka kwale a bua le wena, fela ke akanya gore mmamanae o fano. Gongwe re ka mo dira a eme.”—Mor.] A wena o tlaa ema, mmama—mmane wa ga . . . [“Ene ke yoo. Ebaebisa seatla sa gago. Ebaebisa seatla sa gago.” Phuthego e opa diatla.]

⁵ Modimo a go segofatse, kgaitadiaké, ka ntlha ya tumelo ya gago e e pelokgale mo go Morwa Modimo. Mma A go tshole o siame go tsamaya ka nako e Ena a tlaa go bilesang Gae ka yone, motlhlang yona yo o swang a tlaa aparang bosasweng. Ke leboga

thata jang ka ntlha ya seo, go akanaya gore o ne a tshola karata eo dinyaga tsotlhе tseno jaanong, mme a tloga a tliswa fano fa go nna a bo a mpontsha bosigong jono. Lo a itse, ke ne ke re, go jaaka senkgwe fa godimo ga metsi, se boela kwa go wena, fa o leka go direla mothо mongwe sengwe.

⁶ Jaanong, ke na gape le tshono ya go kopana le ba le bantsi ba badiredi bano ba ba siameng thata, mme nna go tlhomame ke lebogela kabalano ya bone e e ntle thata, tirisano mmogo eno. Mokaulengwe Carl o itsisitse gore nna ke tlaa boa isago, fa Morena a ratile, mme re le fano fa lefatsheng. Mme, sentle, ke solo fela go kopana le mongwe le mongwe wa lone fano isago gape, mme mongwe le mongwe a tlise moemedi yo mongwe le wena fa o le mosadi gape le wena fa o le monna.

⁷ Jaanong go fela selo se le sengwe se ke tlaa ratang go bua sengwe se se nnye ka sone, gongwe fela motsotsso.

⁸ Ka gore, Ngaka Reed o tshwanetse go latela a bue, mme nna ke tlie tsela yotlhe eno golo kwano bosigong jono, ke na le dimaele di le makgolo a le mabedi le masome a matlhano tse nna ke . . . go dira mosepele ono, go reetsa Ngaka Reed. Mme fela sengwe se ne sa diragala kgantele se ke tlaa ratang . . . Fela—fela, Ngaka Reed, ke tlaa kgweetsa dimaele di le dikete go mo utlwa. Fela sengwe se ne sa . . . E sale ke le fano, ke tlaa kgweetsa dimaele di le sekete fela go reetsa se ke se utlwileng kgantele, a selo se se ntentle, sengwe se nama le madi di ka se kgoneng go se senola. Go tsaya Mowa o o Boitshepo go go dira. Mme go bona mongwe yo o kgothaditseng botshelo jwa me ka tsela e e kalo, nna go tlhomame ke tlaa itumela botshelo jwa me jotlhe jo bo setseng.

⁹ Se ke neng ke batla go se bua, e ne le—e ne e le, fa le ka nako nngwe ke tshwanetseng go dirwa karo, go bitsa ngaka ya tsa kalafo ya malwetsi, wena—wena o tle kwa go nna, Ngaka Reed, gone ka nako eo. Nna ke—ke kgonan go tshepa monna yo go ara, fa ke tshwanetse go nna le e le nngwe, diatla tse di dumelang mo go Modimo, tseo—tseo ke tsone tse ke tlaa batlang di dire mo go nna. Mme jalo rona . . . ke tshepa gore ga nkitala ke nna le yone. Fela fa ke dira, ke tlaa batla ena, kgotsa mothо jaaka ena, go dira tiro e, fa ena a ka seka a kgone go nna foo.

¹⁰ Ke ne ka nna le selo se se diragetseng bosigong jwa maabane, se e leng gore, kgotsa maabane ka tshokologo, ke raya moo, se se neng ka nneta e le sa seeng ko go nna. Mme ke tlaa bua ka boripana, ka gore ga ke batle go tsaya nako ya mokaulengwe wa me, ka a ile go bua. Fela ke akanyetsa gore ka mohuta mongwe ke mo go oketsang mo bodireding jwa me.

¹¹ Nna ke—ke tlhokomela dilo tse di nnye. Fela selo sengwe le sengwe se nnye se na le bokao, mo go nna. Ga ke dumele gore sengwe sepe se dirafalela Mokeresete go se ka maikemisetso. Ke akanya gore go laotswe ke Modimo, ka gore Jesu ne a re O tlaa

dira dilo tsotlhe di dirafalele molemong go bao ba ba Mo ratang. Jalo ke gone ka moo ke dumelang gore selo se sengwe le se sengwe se se nnye mo—mo bodireding jwa me jo bo botlana jo A bo nneetseng, go thusa lone batho, go thusa mongwe le mongwe, mme lone lotlhe lo thuso mo go nna, re thusanang go tsena kwa Kgalalelong. Mo e leng gore, selo sengwe le sengwe se se nnye se na le bokao, mo go nna. Fela go ne go le bokete mo go nna go dumela seo, tshokologong ya maabane, fa ke ne ke timelelwa ke temana ya me fano. Nna ke—ke a lo bolelela, nna ga ke ise ke nne yo o mafafa jalo mo botshelong jwa me. Mme, ka nako eo, mosadi wa me—wa me o ne a nneile Baebele e ntshwa ka ntlha ya KereSEMose.

¹² Ya me e kgologolo e e ne fela e onetse. Ke nnile le yone go batlile go le dinyaaga di le masome a le mabedi jaanong, ke ne ka e neelwa ke batho ba Motlaagana wa Efangedi wa Houston, dinyaaga di le di ntsi tse di fetileng, fa ke ne ke simolola go tsena mo matsholong. Mme jalo nna fela, ke e gakologelwa ka lorato thata jang, mme ke . . . matlhare le ditsebe, ka ntlha ya go kgabaganya lewatle, le kwa le kwa, go tsamaya nna . . . di wela wela fela fa fatshe. Ke nopa tsebe motlhamongwe ko Genesi, mme ke tshwanele go batla kwa morago kwa ko Doiteronomio golo gongwe go le bona, lo a itse, kwa fela ke le sunyeditseng morago mo Baebeleng. Jalo, o ne a nthekela e le nngwe ka ntlha ya KereSEMose. Mme ke ne ka tlhoya go baya Buka ya kgale fa thoko, yone e nnile e ratega thata jang fa go nna. Ke ne ka re, “Fa ke tsamaile pele ga ga Jesu a tla, E beyeng mo go nna. Mpe Ena e ye faatshe le nna, mme nna ke tlaa tlhatloga le Yone motlhlang re tlhatlogang.” Jalo foo, eo ke kakanyo ya me, le mororo.

¹³ Ka ke ne ke tlwaetse go bolela polelo e nnye. Ke solo fela gore ena ga e tlhaphatse. Fela ke ne ka ya ko go . . . Monna o ne a mpolelela nako nngwe, ke dumela e ne e le Mokaulengwe Earl Prickett, bokopanong golo ko New York; mme ke ne ka kgatlhana le monna, o ne a re, “E re, wena o dira eng le borakgwebo bano, o leng moreri?”

Ke ne ka re, “Nna ke rrakgwebo.”

Mme o ne a re, “Ke kgwebo ya mohuta ofeng e o leng mo go yone?”

¹⁴ Ke ne ka re, “Tshepiso.” Jaanong, o ne a akanya gore ke rile, “inshore,” lo a bona. Jalo ke ne ka re, “Tshepiso.”

O ne a re, “Ao, ke mohuta ofeng wa inshore o o o rekisang?”

¹⁵ Ke ne ka re, “Botshelo jwa Bosakhutleng.” Bosakhutleng! Ne ka re, “Ga ke Bo rekise. Nna fela ke yo o nang le tumalano, ka bogame, mme ke leka go Bo laelela ba bangwe.”

¹⁶ Gakologelwang mosimane yo ke neng ka tsena nae sekolo, nako nngwe, mme ena o ne a le morekisi wa inshore. Jaanong, inshore e siame, fela nna ga ke na epe. Ke gone, jalo o ne a tla kwa ntlong ya me, a bo a re, “Billy, ke rata go go rekisetza

inšorensen e e rileng.” Ne a re, “Ke itse morwarraago.” Morwarrê o rekisetsa Metropolitan. O ne a re, “Sentle,” ne a re, “Ke tlaa, ke tlaa rata go go rekisetsa inšorensen e e rileng.”

Ke ne ka re, “Ao, Wilmer, ke a go leboga.”

¹⁷ Mme lona lo tlaa . . . ena a ka tswa a le fano bosigong jono, morwa rraagwe, o kwala dikgang mo *Bonnong Jo Bo Kwa Godimo*, buka. *Bonno Jo Bo Kwa Godimo*. Jalo ena . . .

Ke ne ka re, “Ke na le inšorensen.”

O ne a re, “Eng?”

¹⁸ Mme mosadi wa me o ne a nteba jaaka ekete ke moitimokanyi. Mosadi . . . mme ke ne ka re . . . Jalo mosadi ne a re, “Billy?”

Mme ke ne ka re, “Ee, ah-ha, ke na le tshepiso.”

¹⁹ Mme monna ne a re, “Ao, nna ke—nna ke kopa tshwarelo,” ne a re, “Ke ne ke sa . . . Ke utlwile gore wena ga o na inšorensen epe.”

Ke ne ka re, “Nnyaya, ke na le tshepiso.”

²⁰ Mme—mme o ne a ntłhaloganya, se ke se buileng ka nako eo. O ne a re, “Ke eng se o se boletseng?”

“Ke ne ka re, ‘Tshepiso.’”

Mme o ne re, “Sentle, o raya go reng?”

²¹ Ke ne ka re, “Tshepiso e e Segofetseng, Jesu ke wa me; ao, a šašolo ya kgalalelo ya Selegodimo! Nna ke mojaboswa wa polokesego, yo o rekilweng ke Modimo; a tsetswe ke Mowa wa Gagwe, a tlhatsitswe Mading a Gagwe.”

²² O ne a re, “Billy, o a itse nna ke tlhaloganya seo.” Ne a re, “Seo ke selo se se molemo thata. Fela,” ne a re, “morwa, seo ga se tle go go tsenya golo fano mo mabitleng.”

²³ Ke ne ka re, “Fela E tlaa nkholola.” Ga ke boife . . . [Mokaulengwe Branham le phuthego ba a tshega—Mor.] Ga ke tshwenyege ka ga go tsena; ke go tswa, lo a bona. Jalo ke akanya gore eo ke tsela e re ikutlwang ka teng ka ga yone.

²⁴ Maitseboa a a fetileng, fa ke ne ke tsaya Baebele eo, mme ke ne ke sa kgone go bona temana ele. Mme ke ne ka tsaya Baebele e ntšhwâ ele. Ke neng ke buisa go tswa mo go ya kgale, mme ke ne ka tsaya e ntšhwâ ka bo ke e tsenya fa tlase ga letsogo la me ka bo ke tabogela golo fano. Mme ke ne ka bula golo ka ko lefelong lele, mme ka akanya, “Sentle, fano, ke dumela e ne le Moitshepi Johane 16:21,” mme gotlhelele e ne e se polelo.

Ke ne ka bolelela Mokaulengwe Moore ka re, “A eo ke kwa e leng fa teng?” “Ee.”

²⁵ Mme ke ne ka lebelela kwa morago, mme e ne e se foo. Jalo ke ne ka akanya, “Sentle, ba na le letlhare le le tsentsweng—letlhare le le tsentsweng kwa go seng lefelo la lone.”

²⁶ Ga tloga mokaulengwe wa me fano a tla, Mokaulengwe Stanley, o ne a tla kwale; Mobishopo Stanley, ke raya yoo. Mme ga ke itse se monna yo a neng a se kaya, nna... Go ne go le kgomotso e kgolo jang, ntswa go le jalo. O ne a atamela gaufi le letlhakore la me, mme o ne a re, "Tshwarelela o tiisitse, mokaulengwe, Modimo gongwe o ile go dira sengwe." Lo a bona? Mme seo se ne fela sa nkgothatsa, go akanya gore a ka bua seo.

²⁷ Ke a ipotsa fa e le gore o lemogile gore o porofetile? Fela ke neng ke bua le ena metsotsa e le mmalwa e e fetileng, fela pele ga ga ke fitlha fano, ke tlhomame ena o dirile.

²⁸ Jalo ke e tsentse mo Molaetseng wa me wa *Metlotsedi*, le jalo jalo. Mme tselanyana ya me e e matlhagatlhaga ya go go dira, ka ga sethunya sa lešoma; le ka foo se belegwang ebile se tsalwa, mme e tthatloga, mme se goga letsatsi, lerothodi la monyo, le jalo jalo. Mme go tloge tshenyego ya se se tshwanetseng se swe ka mo go sone, gore se tsalwe go tswa ka mo go sone, ke raya seo, gore e tlhage. Mme ke ne ke leka go direla kereke sekao.

²⁹ Fela jaaka ngaka fano, fa a ne a ile go alafa molwetsi. Re na le dingaka gompieno tse di reng, "Wena o ka sidila leoto la gago, fa morago ga serethe, wa bo o fodisa kankere mo sefatlhogong sa gago, lo a bona." Fela ngaka e siameng ga e tle go reetsa selo se se jaaka seo. Ena o alafa molwetsi go ya ka buka e a e buisang mo patlokitsong ya tsa kalafi.

³⁰ Mme eo ke tsela e ke lekang go dira go alafa molwetsi. Fa ke bona kereke e lwala, ga ke leke go ba bolelela gore ba tlhoka go dumedisa ka seatla mo go ntšhwat kgotsa sengwe, lekgotla le leša. Ke tshwanetse ke e alafe go ya ka Buka e ke—ke e itseng, lo a bona. Mme ke gore fa ke bona kereke, e lebega okare e batla tlhaselwa ke mmokwane, ke batla go tsaya lone Lokwalo lwa melemo le ke akanyang gore le nepagetse, mme e le la ka ga mmokwane, go o ntshetsa kwa ntle ga kereke; fa ke bona boleo bo tlhasela ka mo go yone, ke tsela e e tshwanang!

³¹ Ke lekile go dira tshwantshanyo ka Esau le Jakobo, mme ka tloga ka folosetsa dinako kwano. Mme ga ke tle go tsena ka mo go seo. Fela ke e folosang go tla fa karolong ya bofelo mo Lekwalong la me la bofelo le ke le dirisitseng, ke ne ke go tshwantshanya, e seng go le kwa ntle ga makwalo, fela jaaka Jesu a ne a bua gore go tlaa nna ka teng, se Ngaka ya konokono a se buileng a re seemo sa kereke se tla tshwanelia go nna sone, mo methleng eno ya bofelo, "E tlaa nna Laodikea; e le kereke e e humileng, e e foufetseng, e e sa ikategang, e e humanegileng," mme e tlaa tshwantshannngwa le methla ya Sotoma. Jaanong, re a itse gore moo ke Nnete. Fa le e lemoga, go ya ka ditso, O ne a tlisa mo methleng ya ga Noa, la ntlha, mme ga tloga ga nna methla ya Sotoma. Mme eo ke fela tsela e e sepetseng ka yone, fela ka tsela e e tshwanang.

³² Mme ditso, di nnile ka dinako di le dints, di ipolets, ditso di a dira, mme ditsholofetsa tsa Baebele di go di—dira fela jalo.

Sekai, jaaka mo Matheo 3, kwa le rileng, “Ke ne ka bitsa morwa wa Me gore a tswe kwa Egepeto.” Jaanong fa lo latelela mekwalo e e fang kitso ka ga seo, e ne e le Jakobo, Morwae, yo Ena a neng a mmiletsa ntle ga Egepeto; yoo o ne a le Morwae yo o mmotlana. Fela Morwae wa konokono, Jesu, o ne a bidiwa go tswela ntle ga Egepeto, le ena. Jalo go ne go na le karabo e e leng—e e leng go feta gangwe.

³³ Jalo, mme re bonang ka ba ne ba tswelelela ba bua ka ga seo, mme ke ne ka tlisa megopolis ya me ya seo. Mme ke ne ka tsamaya go tswa mo se... go tloga mo seraleng, ka bo ke tswa. Bana ba me, re neng re ya gae, re ne ra batla go ema golo fano golo gongwe, go reka borotho jwa motlapiso. Mme ke ne ka tsena, mogatsake ne a re, “Billy, ke ne ke le mafafa gore ke ne ke sa itse se ke neng ke tshwanetse go se dira.” Ne a re, “Nna ke go neile Baebele ele.”

³⁴ Ke ne ka re, “Wena ga o ise o e kwale, e bile ga o ise o e kokoanye, moratwi.”

³⁵ O ne a re, “Fela, fela go akanya, nna ke—ke go naya Bae—Baebele e e nang le phoso mo go yone.”

Ke ne ka re, “Sentle, gongwe e ne e se jalo.”

³⁶ Mme jalo a le mongwe wa bana o ne a e tsaya, mme re ne ra utlwelala matlhare. Nnyaya, e ne e lebega e siame. Fela gone fatshe kwa tlase, e ne e le matlhare a le mabedi a a neng a kgomarelane mmogo, lo a bona, mme kgaolo ya bo 16 e ne e le mo letlhakoreng leno, mme mo go tswelelang ga kgaolo ya bo 16 go ne ga bonagala ko letlhakoreng lena le lengwe. Mme ya bo 17 e ne ya simologa mo letlha... lo a bona, yone e fela ka boitekanelo, mo go tshwanang totatota, gotlhe gotlhe. Mme pampiri eo ya Maintia, e e tshessane ka mmannete, e ne e kgomarelane mmogo, mme ke ne ke buisa go tswa mo kgaolong ya bo 17 nako yotlhe eo, mo boemong jwa kgaolo ya bo 16.

³⁷ Mme ke ne ka akanya, “Modimo, goreng O ne wa dira seo? Gobaneng go tlide ga nna le selo se se jaaka seo jaanong?” Yoo ke nna ke akanya ka maikutlo, lo a itse, go bona se gotlhe go neng go le ka ga sone, ka gore ke akanya gore ga go sepe se se diragalang kwa ntle ga maikaelelo. Mme ke ne ke akanya ka ga kgomotsa ya ga mokaulengwe yona fano, a neng a tla, a mpolelela, “‘Tshwarelela ka nitamo,’ ene a neng a le moperesiti, ‘tshwarelela ka nitamo, gongwe Modimo o ile go dira sengwe,’” kgotsa sengwe mo mohuteng oo. Mme ke ne ka akanya, “Seo se ka nna jalo jang?”

³⁸ Mme foo, ke neng ke dutse foo, fela jaaka tladi ya tlapana e tswa kwa Legodimong go ne ga tla ko go nna. Jaanong, sena se ka nna se se dire tlhaloganyo ko go lona, fela se a dira mo go nna, lo a bona.

³⁹ Ke gakologelwa, mo go Luka kgaolo ya bo 4, gore Jesu o ne a tsena mo sinagogeng kwa Nasaretha, kwa A neng a

godisiwa gone, jaaka mokgwa wa Gagwe e ne e le go tsena ka mo kerekeng mo Saba...sinagogeng, mo Sabatheng. Mme erile A dira, re lemoga gore foo gore moperesiti o ne a Mo naya Baebele, Lekwalo la momeno. Jesu, a lebelela mo gare ga Lekwalo le le potokilweng, o ne a fitlhela lefelo le le rileng, Jesaya 61, mme A buisa Lekwalo. A tloga A busetsa Baebele morago ko modireding. Mme foo erile A retologela ko bareetsing, matlho otlhе a ne a le mo go Ena. Mme A bo a re:

...*Gompieno Lokwalo lo le diragaditswe...*

⁴⁰ Mme re a itse ka foo puiso ya Lokwalo loo e neng e le e e sa tlwaeleselegang ka gone ka teng, ka gore Ena o tsere fela bontlhabongwe jwa ditemana tsa bo 1 le bo 2, tsa ga Jesaya 61:1 le 2. Fela O ne a buisetsa go ya kwa tlase bokgakaleng jona, kwa, "Mowa wa Morena o mo go Nna, go gomotsa ba dipelo tse di hutsafetseng, le go—go (neela) fodisa balwetsi, le go bula matlho a a foufetseng, le go rera ngwaga o o amogelesegang wa Morena," mme foo O ne a khutla. Gonне, le le latelang le ne le le la go tlisa katholo; leo le tlaa diragala kwa go Tleng ga Gagwe ga Bobedi, e seng go tlaa ga Gagwe ga ntlaa. Mme O ne a khutla, a bo a retologa, mme a re, "Gompieno Lokwalo lo le diragaditswe." Ka foo moo go neng go lolame ka gone!

⁴¹ Mme a pole—a pole—a polelo e go neng go le yone ko baruting ba le ko bathong ba ba neng ba le gone, gore O ne a kgona go ka dira sena se tlhaloganyege motlhofo ko bathong, "Letsatsi leno Lekwalo lena le diragaditswe." Gonне ke fano O ne a le teng, Mesia, ntswa go le jalo ba ne ba se go dumele. Ke fano O ne a le gone, Yo o tloleditsweng oura eo. Bonnyennyane bongwe le bongwe jwa bodiredi jwa Gagwe, go tloga tsalong ya Gagwe go tswelela, bo ne jwa supa yo A neng a le ene, mme ntswa go le jalo ba ne ba se kgona go go dumela. A polelo! Fela Ena o ne a ka kgona go bua gompieno...

⁴² Mme fa motho a ne a butse matlho a bone, ba ne ba ka bo ba itsile, ba itsile letsatsi le ba neng ba tshela mo go lone, gonне eo e ne e le oura ya Gagwe, gonне O ne a le gone foo a dira se totatota Dikwalo, baporofeti botlhе, ba neng ba buile ba re se tlaa diragala mo motlheng oo. Fano Ena o ne a dira totatota se Modimo a porofetileng gore se tlaa diragala! Bone ba fositse jang go se bona? Ba tshwanetse ba ka bo ba itsile gone ka bonako, ba neng ba bona se bodiredi jwa Gagwe bo neng bo le sone. Mesia ke yoo. Ba ka bo ba bo itsile, ka gore O ne a re, "Lekwalo le diragaditswe."

⁴³ Ke akanya ka ga gompieno. Mme lemogang se seo se neng se le sone fa mopere—moperesita a ne a neela Lefoko. Lefoko le ne la buisiwa, la bo le busediwa morago kwa go moperesita. Mme nopolо ya bofelo go tswa mo temaneng e ke neng ke na nayo, le Dikwalo tsa me tse di neng di kwadilwe, e ne e le Moitshepi Luka 17:30, kwa, Jesu fa a ne a umaka ka ga fa morago mo

motlheng ono o re tshelang mo go one, “ba ba humileng, paka ya Laodikea,” mme ntswa go le jalo ba bodile mo dipolotiking, dipolotiki tsa kereke le dipolotiki tsa morafe, fela e bodile jaaka fa go ka kgonegang go nna ka teng. Mme foo O ne a bua a re, “Jaaka go ne go ntse mo metlheng ya ga Lote, go tlaa nna jalo mo go tleng ga nako ya bofelo,” lemogang se A se buileng moo, “mo motlheng o Morwa motho a tlaa senolwang ka one.”

⁴⁴ Lo a bona, “Mo metlheng e Morwa motho a tlaa senolwang ka yone!” Ke batla go ngoka kelo tlhoko ya lona.

⁴⁵ Lo a bona, O tlide mo maineng a le mararo. O tlide jaaka Morwa motho, yo o neng a le moporofeti. Mme seo ke se A se dirileng, O supile bodiredi jwa Gagwe, ka go nna moporofeti. Rotlhe re itse seo. Mongwe le mongwe wa rona o a go itse. Ena ga A a ka a re O ne a le Morwa Modimo; O ne a re Ena ke Morwa motho. Jaanong, gompieno, Ena ke Morwa Modimo, mo e leng gore O boile gape, mme jaanong Ene o mo popegong ya Mowa o o Boitshepo, Sebelebele se se sa bonweng; fela ntswa go le jalo, Modimo, Morwa Modimo. Ko Mileniamong, O dula mo Sedulong sa Bogosi sa ga Rraagwe, kwa e leng gore Ena o tlaa nna Morwa Dafita. O Itshenotse la ntsha a le Morwa motho, moporofeti; paka eno, go ralala paka ya kereke, Morwa motho...kgotsa Morwa Modimo; mme mo pakeng e nngwe, Morwa Dafita. Bomorwa ba le bararo!

⁴⁶ Fela lona lo lemogeng fano, O ne a re, kwa bofelong jwa paka ya kereke, yone e tsene mo matladikeng thata gore go tsamaya Ena a tlaa senolwa gape jaaka Morwa motho, “motlheng Morwa motho a tlaa senolwang.” Ka foo seemo seo sa tlhakantshuke se neng se tshwanetse maabane! Mme ke a solo fela gore ga lo retelelwé ke go go tlhaloganya.

⁴⁷ Re nnile le tshenolo ya Morwa Modimo, fela tsholofetso ya bofelo e Aborahama a nnileng le yone pele ga morwa a ne a dirwa...kgotsa a tlisiwa mo go nneng teng, ene yo nnileng a mo solo fetswa; pele ga morwa yo o solo fetswa a tlhagelela, Modimo o ne a Iponatsha koo ko Sotoma jaaka Moporofeti, a neng a le Motho, mo nameng, Modimo. Elohim, jaaka ke utlwile mongwe a go bua kgantele, se e leng gore Bomodimo bo ne bo le mo go Ene ka nama. O ne a le botlalo jotlhe. Elohim ke botlalo jotlhe jwa Bomodimo, ka nama. Mme re lemoga foo gore motlheng Lote a neng a bona...Mothang Aborahama a Mmoneng a tla, o ne a re, “Morena wa me.” Go ne go le ba le bararo ba Bone. Mme golo ko Sotoma, Lote o ne a bona ba le babedi, a bo a re, “marena a me,” go tlhoka tshenolo. Jalo lemogang se se diregileng fano, motlheng A ne a goroga, ka foo A Ikitseitseng ka gone.

⁴⁸ A rona re ne re ka se kgone, a nka se kgone go bua sena fa nka bo fela ke ne ke le mo menwaneng ya me ya maoto, lo a bona, mokaulengwe o porofetile fa a ne a mpolelela se a se dirileng!

Motlha ono! Tlhokomelang se A se dirileng gone morago ga go buisiwa ga Lokwalo. "Mo metlheng e Morwa motho," e seng motho, e seng motho wa nama, "Morwa motho o tlaa Itshenola mo gare ga batho ba Gagwe gape." Motlha ono tsholofetso eno, ya oura ena e re tshelang mo go yone, e diragaditswe fa pele ga matlho a rona tota. O ne a retologela gone foo ko phuthegong, mme ba le lesome kgotsa ba le lesome le metso e mébedi, le fa e ka nna ba le ba kae batho ba ba neng ba le moo, ga go itsiwe, O dirile sone selo se se tshwanang se A se dirileng kwa Sotoma. Motlha ona Lekwalo leno le diragaditswe fa pele ga lona. Lone le rurifaditswe fa pele ga lona.

⁴⁹ Ka ntlha e, mokaulengwe wa me, kgaitadi, baemedi, badiredi, le fa go ka nna bomang ba re leng fano, bana ba Modimo, re gaufi thata jang le go Tla ga Gagwe ka nako e? Fa rona jaanong re bona Lekwalo le A le sololeditseng, fela pele ga molelo o wela ko Sotoma go mo fisa, mme ke tshwantshantse motlha ono le gone, mme re bonang Lekwalo leo gone fa pele ga matlho a rona le diragaditswe, rona re gaufi thata ga kae mo go Tleng ga Morwa Modimo ka nako e? Diponatshego tsa Dikwalo di gaufi thata ga kae, jaaka A dirile ka Aborahama, go tliseng Kereke, mo pontshetsong pele, yo e leng gore O ne a le tsholofetso go Kereke! Mme jaanong re bona gore, peo ya ga Aborahama ya tlholego, ka foo ba paletseng ka teng. Fela Peo ya Bogosi ya ga Aborahama, e e leng ka tumelo mo Lefokong le le sololeditseng, jaanong e a bonatswa mo lefatsheng gompieno. Re fa nakong ya bokhutlo, mokaulengwe wa me, bokgaitsadi. Re fa bokhutlong.

⁵⁰ Mme ga re na pontshetso pele e le nngwe gape. Ke tshwanetse ke bontshetse pele Dikwalo ka gore ga ke na thuto e lekaneng go ntsha mafoko le dilo. Ke dira dipontshetso pele. Fela fa ke bona mo meriting... Fa ke ne ke ise ke bone seatla sa me, mme ke bona moriti, ke a itse gore ke na le menwana e le metlhano. Mme eo ke tsela e o tshwanetseng o tlhokomele dipontshetso pele tsa Lekwalo tsa Kgolagano e Kgologolo. Yona e dira eng? Yona E dira pontshetso pele ya ga sena. Mme Jesu o ne a bua gore Sotoma e ne e le pontshetso pele ya bofelo jwa nako jaanong. Mme tsone Dikwalo tse di neng tsa solofeletswa Sotoma, Dikwalo tota tse di neng di diragala kwa Sotoma, tse Jesu a buileng gore di tlaa ipoeletsa gape mo motlheng ono, di itsisiwa gone fa pele ga rona gompieno.

⁵¹ Modimo a le segofatse. Lo se palelelwé ke go go tlhaloganya. Mme fa ke sa lo bone fano isago; motlheng ba palamang Direpodi tsa Gouta, ke soloftela go kopana le lona golo Koo. Modimo a le segofatse.

[Phuthego e opa diatla. Kgaitsadi o bua ka loleme le lengwe, mme a bo a neela phuthololo. Mokaulengwe o tla fa sekapamantsweng a bo a etelela pele phuthego mo go opeleng *O a Tla Mo Segauhtshwaneng*, mme o kabakanya ka go tshwaela. Fa go sa theipiwang fa theiping. Mokaulengwe o tswelela a opela

O a Tla Mo Segautshwaneng, a bo a kabakanya ka go tshwaela. Fa go sa theipiwang fa theiping—Mor.]

⁵² Rara, rona re . . . [Fa go sa theipiwang fa theiping—Mor.] Go ya ka Dikwalo, tse re di bonang di bonatswa, fa pele ga rona, tshupo ya bofelo le pontshetsopele. Mafoko a Jesu Keresete a buileng gore sena se jalo. Fela jaaka go ne go le kwa Sotoma, re bona lefatshe mo seemong sa lone, re bona kereke mo seemong sa yone, re bona Bai—Baitshekedwi ba biletswa ntle ga lekoko lengwe le lengwe; Botshelo, jo bo leng mo mafelong ao, bo tswela ntle jaanong go tsaya popego ya Peo. Re a rapela, Rara wa Legodimo, gore re tlaa thanya ka bonako.

⁵³ Jaaka mokaulengwe a fetsa go bua jaanong, o bone fa pele ga sefatlhogo gagwe, mme e le fa a ne a tswaletse matlho a gagwe, fela masomosomo a feta fa pele ga gagwe. Oho Modimo, re ikutlwā gore go masomosomo a a iseng a fithelelwe ka nako e. Re thusē, Modimo yo o rategang. Mma re tloge mo go bokopanong jona ka tlhagiso e e kgolo mo pelong ya rona, re itse gore letsatsing leno Lekwalo le diragaditswe. Mo Leineng la Jesu. Amen.

⁵⁴ [Mokaulengwe Demos Shakarian a re, “Aleluya. Morulaganyi wa rona, Jeryy Jensen, a o tlaa tla golo kwano? Mogogadia—Mogogadiagwe o idibetse, a go jalo. O fetsa fela go amogela dikgang. Mme bone ke badiredi ba Egangedi, badiredi ba Dikhutlonnē. A rona fela re ka . . . Ena o, ke a itse ena o hutsafetse thata. Mme, mme fela . . .”—Mor.] O fetsa fela go go itse jaanong, fetsa go go utlwa fela jaanong? [“Ee.”] A bona ba fano? [“Nnyaya, bone, bone ba ko Los Angeles. Mo kidibalong e tona.”]

⁵⁵ Bokgakala ga bo dire pharologanyo epe mo go Modimo. Ena ke Mogotlhegotlhe. O tshwanetse a nne jalo, go nna Modimo. Dingwe tsa dilo tse di kgolo go feta thata tse ke di itseng tsa go dirwa, mo bodireding jwa me jo bo botlana, ke ka mogala, kgotsa mongwe a leletsa fa teng fano, dilo tse ditona di ne tsa diragala. A re dumalaneng ga mmogo gore Modimo o tlaa fodisa batho bano ba ba lwalang.

⁵⁶ Rara yo o ratega wa Legodimo, re ba tlisa ka mo Bolengteng jwa Gago, ka thapelo. Re a itse gore bosigo bongwe go ne go le moapostolo yo neng a tswaleletswe ditiragalang tsotlhe ka nako eo; o ne a le ko kgolegelong mme o ne a ile go kgaolwa tlhogo letsatsi le le latelang. Golo kwa ntlong ya Johane Mareko ba ne ba na le kopano ya thapelo, mme gone ka mo diseleng tseo tse di kwa gare gare koo go ne ga tsena Pinagare ya Molelo eo e e neng e latela bana ba Iseraele, kgotsa bana ba Iseraele ba neng ba E latela go ralala lefathlakgofa; e ne ya tsena gone mo teng, ka ntlha ya kopano eo ya thapelo, mme ya bula mojako mongwe le mongwe, ya bo e ntshetsa moapostolo kwa ntle ko mmileng gape, a gololesegile go direla.

⁵⁷ Re a tlhaloganya gore badiredi bano, batho ba baanamisa tumelo, ba tshwaregile jaanong, bona ba—bona go sa fetoga ba mo kidibalong e tona. Morena, Wena o tshwana maabane, gompieno, le ka metlha yotlhe. Reetsa thapele ya rona bosigong jono, Oho Modimo. O buile wa re, “Fa lo rapela, dumelang gore lo amogela se lo se lopelang, lo tlaa se neelwa.” Morena, re a dumela, mme re rapela gore mo Leineng la Jesu, gore O tlaa ba fodisetsa, Morena, kgalalelo ya Gago. Go ne ga buiwa, ne ga lotjwa, jaanong a mpe go diriwe. Amen.

⁵⁸ Modimo a go segofatse, Jerry. O mo dumele le ene. [Mokaulengwe Jerrry Jensen a re, “Amen.”—Mor.]

Mokaulengwe Demos.

⁵⁹ [Mokaulengwe Demos Shakarian a re, “Ke a go leboga, Mokaulengwe Branham; Jerry. Bakang Modimo. Nna fela ka bonako ke tlaa rata banna ba eme. Mokaulengwe Arganbright, mongwe wa baokami ba ditshabatshaba; ema, Mokaulengwe Miner. Jack Moore, ema. Clifford Ford. Doerflein, go tswa Seattle. Charles Colonel Young. Enoch Christoffersen, Turlock. Jess Winemore. Ike Akamine, go tswa Dithakathakeng tsa Hawaii. Ija, ka foo e segofaditseng! Ka foo a segofaditseng mewa ya rona ya botho fano, maloba. Ke a mo rata. Ena ke moemedi wa rona wa U. S. yo neng a direla fa tlase ga botautona ba le supa, Gerald Roll; William Roll, Morena a go segofatse, mokaulengwe. Ngaka Ray Marlin . . . ? . . . ! Morena a segofatse Ray . . . ? . . . ! Earl Prickett.”—Mor.]

⁶⁰ [Mokaulengwe Shakarian a re, “Mme Mokaulengwe Branham o ne a neelwa boloko jo bo neelwang e le ga tlotlo, boloko jwa botshelo jotlhe, jo bo feleletseng mo leineng la gagwe. Mme e le bongwe jwa a le mokawana a a neng a tlhotjhwa, ke lekgotla la baokami, dinyaga di le ntsi tse di fetileng.”]

Ke a go leboga, mokaulengwe.

⁶¹ [Mokaulengwe Shakarian a re, “Le Mokaulengwe Carl Williams, yo neng a mo rata thata gore.”]

⁶² [Mokaulengwe Shakarian a re, “Le Mokaulengwe Henry Krause, modiri wa megoma. Jewel Rose, mokwaledi-rramatlotlo wa rona. Molemi, Frank Foglio, ko . . . ? . . . Mme ga ke kgone go gopolaka ga *wena*; ga ke kgone.” Mokaulengwe a re, “Ke Derrick Fredo.” Mokaulengwe Shakarian a re, “Ao, Mokaulengwe Derrick . . . ? . . . , ka foo re itumelelang bodiredi jwa gagwe! Ija, mme bo le jo bo gakgamatsang thata jang, e bile—e bile bo le jo bo kana kana! Ngaka Stanley, go tswa ko Khanada, Khanada botlhaba.”]

⁶³ [Mokaulengwe Shakarian a re, “Mokaulengwe Howard Ervin, ke go bona kwa morago koo, Howard Ervin. Mme rona re fetsa go nna le wa gago . . . A e ne e le mmangwane yo neng a . . . ? . . . Re fetsa go mo dira a eme, motsots o o fetileng, Howard, fa o ne o santse o na le batho ba banana.”]

⁶⁴ [Mokaulengwe Shakarian a re, “Mme ke tlaa rata go bona setshwantsho seo sa Mokaulengwe Branham, dinyaga di le masome a mabedi tse di fetileng”] Huh!

⁶⁵ [Mokaulengwe Shakarian a re, “Mokaulengwe Norwood, Mokaulengwe Norwood go tswa Motsemogolo Khansase. Mokaulengwe Ben Smart go tswa Kholorado. Herbert Bond, go tswa Los Angeles, mongwe wa baokami ba kgaolo ya Los Angeles, yo o dirang tiro e tona koo. Le Fred Watson, modisa yo o dutseng golo foo, kgogometsong. Art Wilson fano, mme re ne ra mo tlhokela lefelo le le lekaneng fano, jalo o dutse le bahumagadi botlhe. Mme botlhe bahumagadi fano ke basadi ba baokami. Le lona botlhe batho ba ba ntle!”]

⁶⁶ [Mokaulengwe Shakarian are, “A ke lebetse mongwe gape? Bangwe ba baokami ba ne ba tshwanelo go ya gae maabane. Darrell Hon...?...o ne a tshwanelo go tloga. Jalo mpe re supegetseng banna bano gore re itumelela maiteko otlhe a bone, ka nako e.” Bakaulengwe ba re, “Re a lo leboga. Re a lo leboga.” Phuthego e opa diatla. Mokaulengwe shakarian a re, “Amen. Mme ga ke a lebala ope.”]

⁶⁷ [Mokaulengwe Shakarian a re, “Mokaulengwe Branham. Tlaya kwano, Mokaulengwe Branham. A o lemoga mogoma yole?”]

Nnyaya, rra. Phetogo e ntsi esale malatsi ale, bakaulengwe.

[Mokaulengwe Shakarian a re, “Tlaya kwano, Howard.”]

⁶⁸ [Mokaulengwe Shakarian a re, “O ne a le mogoma yo montle, mme o santse a le montle, Mokaulengwe Branham. Mme seo ke setshwantsho se sentle.”]

⁶⁹ [Mokaulengwe Shakarian a re, “Mme re ne ra dira mmangwanaago wa gago a eme motsotso o o fetileng, le ene. Mme gongwe o tlaa rata go bua lefoko, Howard.”]

⁷⁰ [Mokaulengwe Howard Ervin a re, “Magareng a dinyaga tse di fetileng tse di lesome le bobedi le tse di lesome le botlhano, Mmangwane Edith o ne a fodisiwa bolwetse jwa Go Kerempa ga ditshika tse di tona, jo ke tlhaloganyang gore ke pobolo e e se nang kalafo go ya ka tsa kalafi. Ga ke itse a kana Mokaulengwe Branham o ne a lo bolelela diemo. Mme ke a ipotsa fa nka nna ka tsaya fela motsotso o le mongwe go dira jalo. *Ena* ke karata ya gagwe e neng a e amogeleta mola wa phodiso. Ena ga a a ka a tsena mo moleng wa phodiso. O ne a dutse, a dutse mo moleng wa bobedi, mo ntlolehahaleng fano mo Phoenix. Mokaulengwe Branham o ne a rerile a ntshitse pelo ya gagwe, o ne fela a lapile thata go ka rapelela batho. Fela ka tshoganetso o ne a lebelela fatshe kwa go ene, a mo leba ka tlhamallo, a bo a re, ‘O ka fola fa o batla go nna jalo.’ Mme o ne tswa mo bokopanong joo, a fodile, mme o santse a fodile.”]

⁷¹ [Mokaulengwe Shakarian a re, “E ne e le pobolo e e se nang kalafo. A e ne e se yone?”]

⁷² [Mokaulengwe Ervin a re, “Ee. Ke tlhaloganya gore pobolo e ne e sena kalafo. Mme dingaka tsa rone fano ba tlaa tlhotlhomisa le nna; nna ke motho yo o se nang kitso epe fa go tsa kalafi. Fela ke tlhaloganya gore jone ke bolwetsi jwa mesifa, jo bo amang mongwe go tshwana le lepero. Mesifa e kgama—e kgama kabelo ya madi, mme go diragle kwa bofelong gore menwana e bole fela mme e wele fatshe. Go ne ga nna le karo e le nngwe ya tsa kalafi, ya moari ko Bothhaba, o neng a ba bolelela gore ba ka kgona go dira, mme moo e ne e le go poma mosifa golo ka *fa*; fela, fa ba ka bo ba dirile, o ne a ka bo a nnile morogo. Fela Modimo, ka maatla a Gagwe a dithata tse dikgolo, o mo fodisitse, mme o fodile gompieno.”]

⁷³ [Mokaulengwe Shakarian a re, “Mpeng re mo direng a eme gape, kwa morago koo.”]

[Mokaulengwe Ervin a re, “A o tlaa se eme, Mmangwane Edith?”]

⁷⁴ [Mokaulengwe Shakarian a re, “Mme yone ke eo, dinyaga di le masome a le mabedi morago.” Mokaulengwe Ervin a re, “Dinyaga di le lesome le botlhano e e fetileng.” Mokaulengwe Shakarian a re, “Dinyaga di le lesome le botlhano morago.” Mokaulengwe Ervin a re, “Dinyaga di le lesome le botlhano tse di fetileng.”]

⁷⁵ Leboga Morena! Go monna a le mongwe yo ba mo lebetseng. Rotlhe re itumelela Mokaulengwe Shakarian. A ga re dire? Mongwe le mongwe wa rona! [Phuthego e opa diatla—Mor.]

[Fa go sa theipiwang fa theiping—Mor.] . . . nna
jaaka Jesu,
Mo lefatsheng . . . go nna jaaka Ena;
Gotlhe go ralala mosepele wa botshelo, go
tloga lefatsheng go ya Kgalalelong,
Gotlhe mo ke go lopang, ke go nna jaaka Ene.

A re rape leng.

⁷⁶ Rara wa Legodimo, re kgona go bona setshwantsho mo menaganong ya rona bosigong jono sa Gago o eme go bapa le letlhakore la lomota gangwe mme o lebile batho ba feta gaufi mme ba tsenya ka mo bobolokelong jwa Modimo. Mme O ne wa bona motlhologadi yona a feta gaufi ka fela selekanyo se se nnye sa madi, fela dipeni di le mmalwa tsa karolo ya bosome, gongwe a ne a na le bana kwa gae, fela o ne a na le kgatlhego mo Bogosing. Ga go na pelaelo epe gore seo se nnile sa kôpjwa gape bosigong jono. Go nnile go le batho ba le bantsi ba ba tsentseng mo teng, ga ka fa go bonagalang go diragala ga gotlhe mo ba nang le gone gone fano mo moneelong ona, ka gore one o beilwe fa pele ga rona, gore foo go na le letlhoko, mme dipelo tsa rona di mo go sena, Rara.

⁷⁷ Nna kgapetsakgapetsa ke ne ka akanya, gongwe fa nka bo ke ne ke eme foo, e ne e le nna ke lebile motlholagadi yoo, ke ne ke tlaa bo ke mo tabogetse ka bo ke re, “O se ka wa go dira, kgaitzadi. Rona—rona ga re e tlhoke.” Fela gongwe go ka be go ne go le phoso. Wena ga o a ka wa mmolelala gore a se go dire. O ne fela wa ema mme wa mo lebelela a go dira, gonne O itsile go tswa fa pelong ya gagwe, O ne o ile go mo duela gape ka ntlha ya seo.

⁷⁸ Rara, ke a itse Wena o itse maikaelelo a pelo nngwe le nngwe e e beileng fano bosigong jono, le seo go leng ka ntlha ya sone. Ke ka ntlha ya Bogosi, Morena, gore ti...tiro eno e rona ka bontle thata re e utlwang monate, le kabalano eno, Morena, tsa makoko otlhe a maemo a lefatshe. Re ikutlwa gore re batho ba ba siametsweng thata jang gore ka re le fano bosigong jono mo Bolengteng jwa Modimo, re utlwang Lefoko le legolo leno le tlhaga mme le bonatsa, le rurifatsa Modimo a leng mo gare ga rone!

⁷⁹ Modimo, neela go mongwe le mongwe fano jaaka ba na le letlhoko. Re a rapela jaanong gore Wena o tlaa segofaletsa moneelo ono tiro ya one e e ikaeletsweng. Re kopa seno mo Leineng la Jesu. Amen.

Modimo a segofatseng.



GOMPIENO LOKWALO LO LE DIRAGADITSWE TSW65-0125
(This Day This Scripture Is Fulfilled)

Molaetsa o ka Mokaulengwe William Marrion Branham o rerilwe la ntlha ka Sekgowa mo maitseboeng a Mosupologo, Ferikgong 25, 1965, o rerelwa kopano ya Kabalano ya Borakgwebo ya Ditšhabatšhaba ya Efangedi E E Tletseng kwa Ntlong ya Baeng ya Ramada ko Phoenix, Arizona, U.S.A. O tserwe mo theiping ya makenete mme wa gatisiwa ka Sekgowa o sa khutswafadiwa. Phuthololo e ya Setswana e ne ya gatisiwa le go abiwa ke ba Voice Of God Recordings.

TSWANA

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kitsisô ka tetlokhopi

Ditshiamelo tsotlhe di sireleditswe. Buka e e ka gatisiwa fa motšhineng wa go gatisa wa ka fa lelapêng gore e dirisiwe ka namana kgotsa gore e abêlanwe, go se tuêdisô epê, e le sedirisiwa sa go gasa Efangele ya Jesu Keresete. Buka e ga e ka ke e rekisiwe, e boelediwe ka bontsi, e baiwe fa webosaeteng, e bolokiwe mo mofuteng oo e ka tlhagisiwang gape ka one, e fetolêlwé go maleme a mangwe kgotsa e dirisiwe go kgobokanya madi kwa ntle ga tetla e e kwadilweng ya Voice Of God Recordings®.

Go ka bolêlêlwá go feta fa kgotsa go ka itse ka dilo tse dingwe tse di leng têng, tswêêtswêê, ikamanye le ba ga:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org